
6.3

SOS PUBLIKASIEFONDSE

Bestek: Die beleid bevat die US se reëls en regulasies ten opsigte van die aanwending en toekenning van die SOS Publikasiefondse.

Beleid:

1. Bedrae

- 1.1 Daar word jaarliks 'n globale bedrag, bereken teen 'n eenheidsbedrag (wat ook jaarliks vasgestel sal word) vir elke publikasie-eenheid wat by die Departement van Onderwys kwalifiseer vir staatsubsidie, uit die fondse van die Navorsingskomitee beskikbaar gestel vir kreditering op die navorsingsrekeninge van departemente / institute /buro's / sentra / eenhede / identifiseerbare groepe. Die navorsers wat tot hierdie uitsette bygedra het, moet toegang tot hierdie fondse hê. Afsonderlike reëlings geld vir persone wat uitsette lewer wat nie voltyds of deelyds in diens van die US is nie.
- 1.2 'n Bedrag, soos bepaal deur elke subkomitee, sal toegeken word vir elke krediteenheid wat verdien word deur sowel vaktydskrifartikels en boeke wat by die Departement van Onderwys kwalifiseer vir staatsubsidie.

2. Plaaslike keuring

- 2.1 'n Ad hoc-komitee bestaande uit die Voorsitter van die Navorsingskomitee, die Senior Direkteur: Navorsing, die Direkteur: Navorsing (Geestes- en Sosiale Wetenskappe) en die voorsitters van Subkomitees A, B en C van die Navorsingskomitee, of hulle sekundi, met reg tot koöptering van persone met die toepaslike kundigheid, sal jaarliks as 'n keurkomitee funksioneer ten einde boeke vir die vakspesialis te keur vir:
 - insluiting, waar toepaslik, by die Universiteit se publikasiegegewens wat aan die Departement van Onderwys gestuur moet word, en
 - die doeleindes van 1.2. hierbo.

3. Aanwending en kontrole

Die aangehegte riglyne sal as basis dien vir die aanwending van die gekanaliseerde fondse sowel as kontrole oor die aanwending daarvan.

RIGLYNE VIR DIE AANWENDING VAN TOEGEKENDE PUBLIKASIESUBSIDIEGELD EN DIE KONTROLE DAAROO

1. Die toegekende fondse moet deur die betrokke departement, sentrum, buro of instituut, eenheid, identifiseerbare groep aangewend word ter bevordering van NAVORSING, maar slegs met skriftelike GOEDKEURING van die departementele voorsitter/dissipline hoof/uitvoerende hoof of direkteur. (In die geval van aansoeke van voorsitters en direkteure self, moet goedkeuring SLEGS ten opsigte van aansoeke vir (i) buitelandse reiskoste en/of (ii) die gepaardgaande verblyf- en ander koste deur die betrokke dekaan of beheerkomitee-voorsitter verleen word. Vir navorsers op dekaansvlak moet goedkeuring ten opsigte van (i) en (ii) deur die Viserektor (Navorsing) gegee word. Alle ander aansoeke van voorsitters en direkteure word direk na die Afdeling Finansiële Dienste gestuur vir afhandeling.)
2. Die toegekende fondse, waartoe die betrokke navorser toegang moet hê (sien ook punt 1.1 van die SOS-Reglement), mag aangewend word vir die volgende doeleindes:
 - 2.1 Tydelike navorsingsassistensie.
 - 2.2 Bykomende publikasiekoste (bladsgeld en herdrukke)
 - 2.3 Lopende uitgawes vir navorsing (ook vir projekte van nagraadse studente).
 - 2.4 Aankoop van spesiale boeke of geskrewe of elektroniese bronne vir die sentrale biblioteek of tak- (fakulteits-, departementele) biblioteke.
 - 2.5 Aankoop van rekenaars en materiaal benodig vir navorsing.
 - 2.6 Aankoop van navorsingsapparaat.
 - 2.7 Reis- en verblyfkoste (of aanvulling daarvan), onderhewig aan die Universiteit se heersende ondersteuningsnorme, vir goedgekeurde binnelandse en buitelandse reise in verband met navorsing, vir die bywoning van binnelandse en buitelandse vakkongresse, simposia, werkwinkels, besoeke aan ander laboratoria, navorsingsbesoeke aan vakgenote, veldwerk, ensovoorts.
 - 2.8 Lidmaatskapgelde van verenigings vir wetenskaplike vakspecialiste wat navorsing bevorder of stimuleer, deur byvoorbeeld gereeld wetenskaplike kongresse aan te bied.
 - 2.9 Navorsingsgenote
 - 2.10 Navorsingsaktiwiteite van afgetrede personeel (in alle gevalle in oorleg met die departementele voorsitter/dissipline hoof/uitvoerende hoof en die dekaan van die betrokke fakulteit).
 - 2.11 Beurse vir nagraadse studie en ná-doktorale genootskappe (in ooreenstemming met die reëls en prosedures wat geld vir beurse uit instituutfondse of departementele buitefondse).
3. Fondse wat in 'n bepaalde jaar toegeken is, is oordraagbaar.

Kontak afdeling:
Finansiële Dienste
